

He Whakatau

Me mātua pānui kia mārama rawa koe i ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. Ki te mau koe i tētahi rore hopu paihamu ka aha koe? Nō tēnei rangi ehara ko te paihamu i mau, ko Māia kē. Auē, auē! Ka puta anō a Māia? Ka kitea anō a Māia?

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me mahi rawa te kupu taka me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te fimatanga ki te mutunga o te pānui.

Kua mau anō koe i tētahi wāhi kare he putanga. I aha koe? I pēhea tō whakaputa i a koe? Nō reira, i aha a Māia i te wā i mau ia i te rore? I pēhea tana whakaora i a ia anō? Me pēhea te tiaki i ngā mōkai kia kore ai e mau i ngā rore hopu paihamu. He aha hoki te rore? Me āta matapaki rawa ngā ture mō te hopu paihamu.

He Matapaki

Kei hea te ākonga


I te wā o te matapaki me pānui te ākonga i te katoa, i tētahi wāhanga noa iho rānei o te pukapuka ki a koe. Kātahi ka:

- āta tautoko, āta tatari, āta kōrero;
- āta titiro anō mēnā e tika ana (mā te tatau i ngā hē) e pai ana te pātere o te reo;
- āta titiro mēnā e mārama ana mā te whai i tētahi o ngā huarahi e whai ake nei:
 - whakamahia ngā whakapuaki māramatanga me ētahi e tika ana whakaritea kia kōrero anō te ākonga i tētahi wāhanga o te paki ki āna kupu ake;
 - he pātai mō tētahi āhuatanga o te pakiwaitara arā, te kaupapa, te ritenga, ngā ariā matua, te raupapatanga, ngā kiripuaki;
 - he whakatenatena i te ākonga mō tana tiro-ki-mua i whakaputa ai ia i te wā o te whakataki.

Ki hea i nāianeī?

Me whakahau te ākonga:

- ki te whakamahi anō i te pukapuka i te taha o te mihini whitireo, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.



He whakapuaki māramatanga

1. I ahatia a Māia?
2. I hea a Māia e noho ana i a ia i mau ai i te rore?
3. He aha te oranga o Māia i a ia i raro i te rākau?
4. He aha o whakaaro mō ngā rore hopu kararehe?
5. Pēhea ai te whakaora a ngā kararehe i a rātou anō?

Ngā whakautu ki ngā whakapuaki māramatanga

1. I mau tōna wae i te rore.
2. I raro i te rākau kahikatoa.
3. He kiore, he wai haukū, ahakoa he aha te mea e pātata mai ana ki a Māia.
4. He maha ngā whakautu rerekē.
5. He maha ngā whakautu rerekē.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te He Tirohanga Whānui mō ngā tino āhuatanga o te pukapuka nei.

Te pūtake

T He tipako kōrero kia pai ai te āta whakamārama i ngā tino mōhiotia mai te pukapuka.

He whakatakinga ā-rore, he whakaharatau

Kia whanake ai ngā kupu hou a te ākonga me matapaki, me whakamahi tika aua kupu ki tētahi horopaki. Ko te whakawhanake tonu i ngā kupu hou me te mārama ki te whakamahi i roto i tētahi horopaki tētahi tino huarahi. Ko ngā kupu whakaatu mōhiotia hei matapaki tahi. I mua i te pānui āta matapaki tahi me te ākonga i ngā kupu whakaatu mōhiotia, arā, “Ko wai?”, “I aha?”, “Te āhua”, “Te mahi”, “Te wā i ngaro ai.” Ko ēnei mōhiotia hei whakamahi i tētahi pānuitanga ki te hāpori.

Ko te nuinga o ngā tuhinga pānuitanga, he iti te kupu engari he nui te kōrero. Kia mutu te pānui a te ākonga i te pukapuka, ka matapaki tahi ai me pēhea te whakahoahoa i te “Pānuitanga”, arā, te takoto me te mahi a ngā kupu. Me titiro ki ngā pikitia, ka tipako i ngā kōrero whakaatu i te āhua, i te wāhi, me te wā hei tuhi ki te pānuitanga. Kia mutu ka whakaatu, ka whakamārama ai te ākonga i tana pānuitanga ki te akomanga.